



古典詩組第三名

儲砥中

23
10
15 生

安徽潛山人

國立政治大學畢業

現職／

在美經商

作品名稱／
清齋心影錄

清齋心影錄

古典詩組第三名

儲砥中

故鄉風物雜詠

爛漫山河似欲燃，杜鵑花發在村前；
袞衣改理春寒後，蝶翼添香紅霧邊；
葉下深根親故土，枝間勁節省他年；
流芬且共流雲轉，海外還溫子弟篇。

註：吾鄉每屆春季，杜鵑花開遍山巔水涯，姹紫嫣紅，一片陽春煙景。

歲暮書懷

七律

削跡平居問昔時，庭荒藉避故人知；
摧寒鼓勇惟文選，俯首迴腸有楚辭；

歲暮總思肝膽義，書香永奉漢官儀；
新來日月愁偏重，怕少詩情負自期。

重修宗譜讀後

五古

上次重修宗譜，余尚在髫齡，今日再修，則年已望六矣；歲月如流，父祖凋零殆盡，緬懷景德，瞻望孫行，詩以美之。

逆水鍾靈秀，潛山迴望深；
晴波春不轉，鳧雁任追尋；
蟄振鶯花令，松鳴出石岑；
蛙聲平野動，曙露寂然侵。
感激先人德，回招庇佑心；
開宗明道義，擇善在書琴。
得姓緣周道，揚芬輔士林；
聲華留日月，行健自肩任；
並力初耕業，兼懷舊日簪；
譜光傳奕業，倫理再浸淫。
比斧薪柴斷，聯心氣宇沈；
艱辛何所畏，望嶽幾開襟。
法教精誠重，祠香紀律森；
宏揚先祖緒，永憶舊家箴；
黃卷垂天地，雲孫漫古今；
衣冠源一派，文物譜爲琛。
我別宗門久，長從德澤欽；
青春苦度去，老夢總空擒；
客地干戈淨，人間白首吟；
清風吹木葉，到譜即宗陰。

註：逆水、潛山均吾鄉地名。逆水為祖塋所在地。

荷塘十六韻並序 五古

台北南海學園內之荷塘，為余昔日讀書賞荷之所，今移居海外，心甚戀之。

南海夏荷淨，蓬萊暑日長；
林蔭蔽野路，岸土固網常；
鼓浪何曾有，推舟出處妨；
盈枝凌綠水，疊葉托花房；
露色青萍駐，蛙精白日藏；
風來無嘯傲，夜去自芬芳；
避雨亭台得，觀光蕩蒼忙；
寫生童子樂，戲舞蝶衣狂。
地共乾坤美，功分漢署香（近鄰即為國立中央圖書館）；
賞心無俗客，開物愜忠良；
綺架豐文理，尊榮輔國光；
興高消水畫，氣暖捐清霜。
理對芙蓉靜，詩從異國荒；
追歡渺舊日，曠絕自中央；
興趣成蕪沒，經綸作棄量；
深居遠海角，倒影在荷塘。

註：右題為美國洛杉磯晚芳詩社命題

早春 七律

獨數時光愛早春，放歌不忌客中身；
何關碧水千波響，只在詩情一句貧；
人走海天留倦意，光回几案散風神；
逍遙最是曾來燕，故作新姿訪舊鄰。